

直隸秦州新志

第七冊

卷之九 中

名宦

卷之九 下

名宦 流寓


直隸秦州新志卷之九中

唐

竇執字士則岐州平陸人唐初以功擢太子詹事亦
排羌與薛舉叛將鍾俱仇寇漢中拜秦州總管討賊
連戰有功餘黨悉降餘詳本傳

韓仲良京兆三原人武德初與定律令請崇寬簡終
刑部尚書秦州都督府長史

韋思謙鄭州陽武人爲御史劾中書令褚遂良遂良
復入相出思謙清水令或弔之答曰吾猶直觸機輒



令說屬城未下者欽寂呼安東都護裴元珪曰賊朝夕當滅幸謹守賊怒害之贈蘄州刺史謚曰忠

元宗靖恭太子琬曾領隴右節度大使又詔親巡按隴右選關內河東飛騎五萬防盛秋琬風格秀整有素望中外倚之早薨莫不爲國悵恨

張嘉貞字嘉貞范陽舊姓歷梁秦二州都督政以嚴辦吏下畏之後至宰相李適之恒山愍王孫開元中歷刺史以辦治聞擢秦州都督政不苛細爲下所便後至宰相各詳本傳

發暇卹身乎丈夫當敢言地要須明目張膽以報天子焉能錄錄保妻子刑餘詳本傳

盧承慶字子餘幽州涿人博學而才貞觀初爲秦州參軍入奏軍事太宗偉其辯擢考功員外郎餘詳本傳

崔善爲貝州武城人巧於歷數爲尚書右丞用清察稱貞觀中爲秦州刺史餘詳本傳

許欽寂安州安陸人萬歲通天元年契丹入寇詔爲隴山軍討擊副使戰崇州敗爲虜所擒方圍安東脅

至德二載加隴右節度使餘俱詳本傳

王忠嗣華州鄭人父海賓豐安軍使開元二年與吐蕃戰死之忠嗣時九歲元宗撫之曰此去病孤也旣

壯累功至河西隴右節度權朔方河東節度佩四將

印後爲李林甫所誣應死會哥舒翰請以已官贖乃

貶漢陽太守

舊州志言今秦州城始自忠嗣唐書傳不載

哥舒翰其先蓋

突騎施酋長哥舒部之裔先事忠嗣署衙將後積功

副隴右節度忠嗣被罪翰入朝叩頭且泣極言忠嗣

枉朝廷稱其義王思禮高麗人初與哥舒翰同事王

名宦中

直隸秦州新元
卷之六
劉秩字祿卿子玄子官員外郎坐小累下除隴西司
馬安祿山反哥舒翰守潼關楊國忠欲奪其兵秩上
言翰兵天下成敗所繫不可忽房琯見其書以比劉
更生

郭知運字逢時瓜州晉昌人長七尺猿臂虎口以格
鬪功累補秦州三度府果毅積功至隴右諸軍節度
大使再以功兼隴右經畧使子英父字元武以武勇
名祿山亂拜秦州都督隴右採訪使賊將高嵩擁兵
入汧隴英父僞勞之且具饗旣而伏兵發盡虜其衆

本傳

韋倫系本京兆乾元中爲山南東道節度使不肯謁
李輔國中罷爲秦州刺史吐蕃黨項歲入邊倫兵少
數格虜後進太子少師郢國公餘詳本傳

李芄字茂初趙州人解褐上邽主簿後至檢校尚書
右僕射詳本傳

郝廷玉李光弼愛將驍勇善鬪又得光弼布陣法累
爲秦州刺史詳本傳

劉澆盧龍節度使怍之次子濟母弟也涉書史有材

忠嗣翰節度隴右思禮復事翰以功授關西兵馬使

從討九曲後期當斬臨刑翰釋之思禮徐曰死固分

也何復貸為諸將壯之肅宗時復為隴右行營兵馬

使餘各詳本傳

按唐時隴右節度如王君奭馬璘李抱玉之屬有名者衆矣然或兼鳳翔

或兼河西於官太泛又事蹟無特係此州者故多畧之又如李西平功業最盛然官稱鳳翔隴右涇原節

度而事在鳳翔涇原故亦不著云

裴行儉字守約絳州聞喜人上元中吐蕃叛由洮州

總管改秦州右軍因冊送波斯王道出西蕃計擒叛

酋阿史那都支降李遮匐悉俘至京帝親勞宴餘詳

囚我約大行梓宮發兵無不濟擁械送闕下殺之錄
功號其軍曰保義蕃戎畏懾不敢入寇常愾然有復
河湟志屢爲朝廷言之未見省累封彭城郡公及病
籍士馬求代旣還卒於道贈尚書右僕射謚曰景

魯吳幽州薊人畧通書史以蔭補左羽林長上隴右
節度使哥舒翰引爲別奏顏真卿嘗使隴右謂翰曰
君興郎將總節制亦嘗得人乎吳時立階下翰指曰
是當爲節度使後歷山南襄鄧淮西三節度使詳本

傳

武好施愛士能得人死力始事朱滔常陳君臣大分
裁抑其凶及怍得幽州不三月病且死漣侍湯液未
嘗離輒以父命召濟於莫州濟嗣總軍事故德漣之
讓以爲瀛州刺史有如不諱許代已久之濟自用其
子爲副大使漣不能無恨因請以所部爲天子戍隴
悉發其兵千五百馳歸京師無一卒敢違令者德宗
甚寵之拜秦州刺史屯普潤軍中不設音樂士卒病
親存問所欲不幸死哭之憲宗立方士羅令則詣漣
營妄言廢立以動漣命繫之辭曰吾之黨甚衆公無

國軍節度使徙鎮雄武是時吐蕃數爲寇而秦州無
亭障思同列四十餘柵以禦之居五年來朝明宗問
以邊事思同指畫山川陳其利害思同去明宗顧左
右曰人言思同不管事能若是邪於是始知其材後
死節詳本傳

趙上交涿州范陽人負才氣爲衆所推秦王從榮開
府以爲虞部員外郎因直諫怒出之歷秦州節度判
官從榮及禍僚屬皆坐斥上交由是知名餘詳宋史

傳

後八

宋

張鑑字季權一字公度國子祭酒後允五世孫也以

剛直為盧杞所忌因朱泚以盧龍卒戍鳳翔帝即命

鑑為鳳翔隴右節度使用代泚項之與吐蕃相尚結

贊盟清水約牛馬為牲鑑耻與盟將末殺其禮乃結

語吐蕃以羊豕犬代之餘詳本傳德宗時隴右既失

度治良原良原不知何地其下文云涇隴以安恐是

涇原之間也憲宗時李鄜為鳳翔隴右節度亦不知

五代

王思同幽州人善騎射好學喜為詩唐明宗時以匡

王景萊州掖人晉漢時歷知鄭滄州起身行伍而臨政不尚刻削民有訟必面詰之不至大過卽諭而釋去不爲胥吏所搖周時移鎮鳳翔世宗初加兼中書令先是秦鳳陷蜀州旁蕃漢戶詣闕請收復世宗命景與向拱率兵出大散關進討連陷砦柵遂命景爲西面行營都部署大破蜀軍於上邽斬首數萬級是秋秦州降逾年徙景鎮秦州兼西面緣邊都部署咎居潤博州高唐人性明敏有節概顯德中從向拱西征爲行營都監秦鳳平以居潤爲秦州餘各詳宋史

侯益汾州平遙人歷事唐晉有戰功天福五年鎮秦

州克西面都部署益子仁矩亦從益歷官鎮秦州所

至有名績餘詳宋史傳後亦入宋按宋史晉少帝時又授藥元福秦州刺史考前

後事皆為契丹恐非此秦州也故職官名宦皆不載

焦繼勳字成績許州長社人少讀書有大志晉少帝

時為宣徽南院使西人寇邊朝議發師致討繼勳抗

疏請行拜秦州觀察使兼諸蕃水陸轉運使既至推

恩信設方畧招誘諸郡酋長相率奉玉帛牛酒乞盟

邊境以安餘詳宋史傳後入宋

祖慮擾邊郡詔諭酋帥賜所獲之俘錦袍銀帶以遣之命吳廷祿爲節度以代防廷祿字慶之并州太原人宋初爲東京留守建隆三年夏帝謂之曰卿掌樞務有年於茲與卿秦州以均勞逸明日制出恐卿以離朕左右爲憂故先告卿卽以爲雄武軍節度代高防賞詔赦尚波千等夏人感悅來獻地廷祿子元載建隆初曾鎮秦雍熙三年復知秦州州民李益者爲長道縣酒務官家饒於財僮奴數千指恣橫持郡吏短長長吏而下皆畏之民負息錢者數百家郡爲督

傳後皆入崇

宋

高防字修已并州壽陽人累世將家性沉厚守禮法
建隆二年以尚書左丞出知秦州州與夏人雜處罔
知教養防齊之以刑舊俗稍革州西北夕陽鎮連山
谷多大木夏人利之防議建採造務闢地數百里築
堡要地自渭而北夏人有之自渭而南秦州有之募
卒三百歲獲木萬章夏部尚波千等率諸族千餘人
涉渭奪木筏殺役兵防出與戰俘四十七人以獻太

察判官乾德初知秦州州境所接多寇患熙古至論
以朝廷恩信取蕃部酋豪子弟爲質邊鄙以寧餘詳
本傳

田仁朗大名元城人先知慶州太平興國初秦州羌
爲寇命仁朗屯兵清水後復知秦州所至有善政劉
文裕字以寧保州保塞人太平興國二年以內戚爲
秦隴巡檢先是秦州羌戎爲寇朝廷遣文裕與田仁
朗等屯兵清水會秦州判官李若愚之子飛雄詐爲
勅使從東來盡縛文裕等欲械至秦州誅之遂爲亂

理如公家租調獨推官馮伉不從益遣奴數輩伺伉
按行市中拽之下馬因毀辱之先是益厚賂朝中權
貴爲庇護故累年不敗及伉屢表其事又爲郵吏所
匿不得達後因市馬譯者附表以聞譯因入見上其
表帝大怒詔元載逮捕之詔書未至京師權貴已報
益益懼亡命元載以聞帝愈怒詔州郡物色急捕之
獲於河中府民郝氏家鞠於御史府具得其狀斬之
民皆飯僧相慶餘各詳宋史本傳

是應爲伉立傳史
載元載傳姑仍之

劉熙古字義淳宋州寧陵人周顯德中曾爲秦州觀

餘詳本傳

宋瑞字寶臣華州渭南人太宗時以岐路轉運使召對出知秦州有善政就拜監察御史克陝西轉運使以韋亶代知秦州瑞去州未百日亶坐事繫獄上以瑞前有治績賜錢五十萬再命知秦州安集諸戎部內清肅餘詳本傳

溫仲舒字秉陽河南人舉進士歷官樞密副使淳化四年罷知秦州先是俗雜羌戎有兩馬家朶藏梟渡等部唐宋以來居於渭河之南大洛小洛門砦多產

初飛雄詐宣制時自言我上南府時親吏文裕因哀告飛雄曰我亦嘗依晉邸使者豈不營救之乎飛雄低語謂文裕曰爾能與我同富貴否文裕覺其詐僞許之飛雄卽命左右釋文裕縛文裕策馬前附耳語仁朗仁朗佯墜馬若卒中風眩狀飛雄共前視之又釋其縛仁朗奮起搏飛雄與文裕共擒之餘各詳本傳

安德裕字蓋之河南人博貫文史尤精禮傳開寶二

年擢進士甲科太平興國八年通判秦州就知州事

二紀矣知節曰羌亦人爾豈不懷歸悉遣之羌人感
之訖終更不犯塞時州有銀坑歲久鑛竭課額弗除
主吏破產償之不足知節請蠲之章三上乃允許洞
字洞天蘇州吳縣人性踈雋有文學咸平中進士解
褐雄武軍推官嘗詣府白事有卒跼坐不起卽杖之
時馬知節知州洞又移書責之知節怒其狂狷不遜
洞輒用公錢奏除名餘各詳本傳

雷有終字道成同州郃縣人歷平蜀中李順王均之
亂著功名咸平末知秦州餘詳本傳從孫簡夫康定

良木爲其所據歲調卒采伐給京師必以貲假道於
羌戶然不免攘奪甚至殺掠爲平民患仲舒至部兵
歷按諸砦諭其酋以威信諸部獻地內屬旣而悉徙
其部落於渭北立堡砦以限之民感其惠爲畫像祠
之會有言仲舒生事者上乃命知鳳翔薛惟吉與仲
舒對易其任後有言所立砦堡得地甚利者復召仲
舒拜戶部侍郎餘詳本傳

馬知節字子元幽州薊人太宗時以父蔭補官歷著
戰功咸平初知秦州州嘗質羌酋支屬餘二十人踰

張佶字仲雅華州渭南人始用蔭補官自以習儒業
獻文求試歷官又屢有戰守功大中祥符中爲鄜延
鈐轄會秦州李濬暴卒上語近臣曰天水邊要宜速
得人馬知節稱佶可任上然之遂改騏驥使就命知
秦州至州置四門砦開拓疆境邊部頗怨又臨渭置
采木場戎人不之爭移帳而去佶不甚存撫亦不奏
加賚賜邊人追悔引衆劫掠佶深入掩擊敗走之議
者又欲加恩宗哥立遵等族以扼平夏佶請拒絕之
餘詳本傳

中簽書秦州觀察判官公事亦有名唐肅字叔元杭
州錢唐人舉進士調鄆縣主簿徙秦州司理叅軍有
商人寓逆旅而同宿者殺人亡去商人夜聞人聲往
視之血沾商人衣爲捕吏所執州趣獄具肅探知其
寃持之後數日得殺人者後守畱有終就辟爲觀察
推官餘各詳本傳

李濬字德淵冀州信都人中進士真宗時知開封府
能檢察隱微京師稱之累遷至右司郎中出知秦州

餘詳本傳

陰結厮敦解寶帶予之厮敦感激求自效問謂瑋曰
吾父何所使欲吾首猶可斷以獻瑋曰我知賞樣丹
時至汝帳下汝能爲我取賞樣丹首乎厮敦愕然應
之後十餘日果斷其首來厮敦因獻南市地南市者
秦渭之阨也瑋城之表厮敦爲順州刺史初張佶知
秦州置四門砦侵奪羌地羌人多叛去畏得罪不敢
出瑋招出之令入馬贖罪還故地至者數千人每送
馬六十匹給綵一端築弓門治坊廩穰靜戎三陽定
西伏羌永寧小洛門威遠十砦浚壕三百八十里皆

曹瑋字寶臣武惠王彬少子沉勇有謀通春秋三傳尤精左氏先知鎮戎軍知渭州撫夷有方隴山諸族皆來獻地瑋築堡山外守之曰秦渭有警此必爭之地也復知秦州兼涇原儀渭鎮戎緣邊安撫使時唃廝囉強盛立遵佐之立遵乃上書求號贊普瑋言贊普可汗號也立遵一言得之何以處唃廝囉耶且復有求漸不可制乃以立遵爲保順軍節度使恩如所鐸督西羌將舉事必先定約束號爲立文法唃廝囉使其舅賞樣丹與廝敦立文法於離王族謀內寇瑋

可汗王還過宗哥界立遵邀知進告曰秦州大人直

以兵入撥囉嚨來幸爲我言願罷兵歲入貢約蕃漢

爲一家因使種人黨失畢陵從知進來獻馬自是哺

廝囉勢蹙退保磧中不出秦人請刻石紀功並琮字

寶章仁宗時遷秦州防禦使秦鳳路副都總管兼知

秦州度羨材爲倉廩大積穀十渭冀城生羌屢入鈔

邊琮懷以恩信擊牛醜酒犒之多請內屬寶元初南

郊召入待祠會元昊反拜同州觀察使復知秦州上

攻守禦三策久之兼同管勾涇原路兵馬定國軍節

役屬羌瀟兵工費不出民伏羌首領斲鷄波李磨論
私立文法瑋潛兵滅其帳其年唃廝囉率衆數萬大
入寇瑋迎戰二都谷追奔三十里斬首千餘級獲馬
牛雜畜器仗三萬餘馬波叱臈立柵野吳谷瑋選募
神武軍二百人斬柵獲生口孳畜甚衆宗哥大首領
甘遵治兵丁任奴川瑋遣間殺遵及破魚用蟬所立
文法於吹麻城旣而河州洮蘭安江妙敦邈川黨連
諸城皆納質爲熟戶時瑋作塹抵撥囉隴撥囉隴西
藩要害地也先是瑋遣小吏楊知進護賜物通甘州

久在秦州累章求代真宗問王旦誰可代者旦薦及
衆議皆謂及雖謹厚有行檢非守邊之才及至秦州
將吏心亦輕之會有屯駐禁軍白晝掣婦人銀釵於
市中史執以聞及方坐觀書召之使前畧加詰問其
人服罪及不復下吏亟命斬之復觀書如故將吏皆
驚服不日聲譽達於京師或又頌旦知人之明旦笑
曰禁軍白晝爲盜於市主將斬之事之常也旦之用
及意非爲此夫以曹瑋知秦州七年羌人讐服邊境
之事處之已盡其宜使他人往必矜其聰明多所變

度觀察留後劉平石元孫敗關輔震恐琮請籍民爲
義軍以張兵勢於是料簡鄉弓手數萬人賊寇山外
還天都劫儀秦屬戶琮發騎士設伏以待之賊遂引
去劉文質字士彬保州保塞人真宗時徙秦州鈐轄
建小落門砦親率士版築會李濬知秦州因就賜白
金五百兩後歷知邠州數從曹瑋出戰築堡障復徙
秦州鈐轄子渙字仲章歷官有功業亦歷秦鳳總管
餘各詳本傳

李及字幼幾鄭州人舉進士歷官太常少卿時曹瑋

時學者罕通楊雄太元經漸獨好之著書十五篇號
演元奏之後復調隴西防禦推官餘俱詳本傳

王凱并州太原人中書令全斌曾孫也真宗時歷與
虜人戰有功由涇州觀察徙秦鳳路辭日帝論以哺
氏木征變易阻絕頗有入寇之萌宜安靜以處之凱
至與主帥以恩信撫接遂復常貢錄詳本傳

李紘字仲綱宋州楚邱人進士及第歷官有聲晚由
龍圖閣學士知秦州孫沔字元規越州會稽人中進
士第言事直居官有能名曾知秦州時儂智高反沔

置敗壞成績以及重厚必能謹守瑋之規模而已矣
餘詳本傳

王承衍字希悅洛陽人平章審琦子也景德中真宗
以天水近邊蕃漢雜處擇守臣撫治擢承衍知秦州
承衍涉學喜爲詩多與士大夫遊餘詳本傳

陳堯咨字嘉謨閬州閬中人父省華字善則曾事孟
昶蜀平授隴城主簿後歷大官皆有名蹟堯咨工隸
書善射舉進士第一真宗末知秦州堯咨從子漸字
鴻漸少以文學知名於蜀咸平初始仕爲天水縣尉

知名以功擢秦州刺史餘詳本傳

梁適字仲賢京平人翰林學士顥之子也仁宗朝先以侍讀學士知秦州後復由觀文殿大學士知秦州古渭初建砦間爲屬羌所鈔益兵拒守羌復驚疑適具牛酒召諭其種人且罷所益兵羌不爲患餘詳本

傳

薛奎字宿藝絳州正平人進士及第仁宗初由集賢院學士知秦州州宿重兵經費常不足奎務爲儉約教民水耕謹商筭歲中積粟三百萬征筭餘三千萬

入見帝以秦事勉之對曰臣雖老然秦州不足煩聖
慮陛下當以嶺南爲憂也臣覩賊勢方張官軍朝夕
當有敗奏明日聞蔣偕死帝諭執政曰南事誠如沔
所料餘各詳本傳

狄青字漢臣汾州西河人初爲延州指使累破賊尹
洙爲經畧判官青以指使見洙與談兵善之薦於經
畧使韓琦范仲淹曰此良將材也二人一見竒之待
遇甚厚仲淹以左氏春秋授之曰將不知古今匹夫
勇爾青折節讀書悉通秦漢以來將帥兵法由是益

昌以賊敗改樞密直學士復知秦州初沿邊軍民之
逃者必爲熟戶畜牧又或以遺遠羌易羊馬故常沒
者數百人其禽生羌則以錦袍銀帶茶絹賞之間有
自歸而中道爲夏人所得亦不能辨坐法皆斬博文
乃遣習知邊事者密持信紙往招至則悉貸其罪由
是歲滅殊死甚衆朝廷下其法旁路又言河西回鶻
多緣互市家秦隴間請悉遣出境戒守臣使譏察之
餘詳本傳

寇瑊字次公汝州臨汝人擢進士有吏幹歷官皆著

覈民隱田數千頃得芻粟十餘萬加樞密直學士知
 益州秦民與夷落數千人列奎治狀請留璽書褒諭
 不許明鎬字化基密州安邱人中進士第補蘄州推
 官改大理丞薛奎領秦州辟為節度判官奎還朝薦
 於仁宗後官至參知政事餘各詳本傳按舊州志有
 知秦州田况
 考况本傳無知秦州之文止為夏竦判官竦傳亦言
 安撫陝西不言秦州而舊志於職官另列一條云秦
 州安撫使夏
 竦皆誤也

王博文字仲明曹州濟陰人進士及第仁宗初以龍
 圖閣學士知秦州為走馬承受賈德昌所毀他徙德

康定間數議邊事久之以直龍圖閣鎮秦州陸誥字
介夫餘杭人進士起家有政績加集賢校理通判秦
州范祥城古渭誥主餽餉具言非中國所恃而勞師
屯戍且生事旣而諸羌果怒爭塞下大擾誥後尤著
功名再知秦鳳餘各詳本傳

王隨字子正河南人登進士甲科仁宗初爲龍圖閣
直學士知秦州秦卒有負罪逃入蕃部者戎人輒奴
畜之小不如意復執出求賞前此坐法多死隨下教
能自歸者免死聽復隸軍籍由是多來歸者又建請

功績仁宗初知秦州趙賀字餘慶開封封邱人舉毛
詩及第歷官有功亦仁宗時知秦州鄭曠字士龍河
南人登進士第歷秦州推官餘各詳本傳

范祥字晉公邠州三水人進士及第累官權轉運副
使古渭州距秦州三百里道經啞兒峽邊城數請城
之朝廷以餽餉之艱不許祥權領州事驟請修築未
報輒自興役募部驚擾青唐族羌攻破廣吳嶺堡固
啞兒峽砦官軍戰死者千餘人坐削一官後張詭訟
其功詔贈秘書子育字異之舉進士謁歸從張載學

帝疑其不肯行公弼聞命卽治裝帝喜召之入對慰
勞而遣之旣赴鎮羌董氈輒治書稱敕公弼卻之曰
蕃臣安得妄稱敕董氈懼自是不復敢弟公孺字稚
卿賜進士出身持躬廉儉爲政明恕元豐中知秦州
李憲以詔出兵欲盡駐原渭公孺不可與憲相論奏
坐徙相州更陳抗鄭瀛四州元祐初加龍圖閣直學
士復以爲秦州固辭餘俱詳本傳

韓琦字稚圭相州安陽人舉進士趙元昊反副夏竦
爲經畧安撫招討使畫攻取策未得用賊犯山外琦

增藩落卒給廢陷馬地募民耕種餘詳本傳

呂公綽字仲祐壽州人太尉夷簡子也歷官至樞密
直學士知秦州安遠砦古渭州諸羌來獻地公綽顧
其屬曰天下之大豈利區落尺寸地以爲廣邪卻之
弓箭手馬多闕公綽諭諸砦戶爲三等凡十丁爲社
至秋成募出金帛市馬馬少則先後給之弟公弼字
寶臣賜進士出身仁英神三朝歷官皆著名績王韶
取熙河朝廷謀秦鳳帥帝曰公弼在河東方出師倉
卒時有緩御之能宜使往乃拜宣徽西院使判秦州

納之餘各詳本傳

文彥博字寬夫汾州介休人及進士第歷殿中侍御史西方用兵偏校有臨陳先退望敵不進者大將守著令皆申覆彥博言此可施之平居無事時爾今擁兵數十萬而將權不專兵法不肅將何以濟仁宗嘉納之後以樞密閣直學士知秦州餘詳本傳

張方平字安道南京人舉茂才異等歷官累定國家大計以工部尚書帥秦州謀告夏人將壓境方平料簡士馬聲言出塞已而寇不至言者論其輕舉曾公

悉兵付大將任福令自懷遠城趨德勝砦出賊後如
 未可戰卽據險置伏要其歸又移檄申約苟違節度
 雖有功亦斬福竟爲賊誘沒於好水川竦使人收散
 兵得琦檄於福衣帶間言罪不在琦琦亦上章自劾

獨奪一官知秦州尋復之會四路置帥以琦兼秦鳳

經畧招討安撫使舊志言秦州東西關城皆琦所築至今稱韓公城而本傳不著尹

洙字師魯河南人舉進士趙元昊反大將葛懷敏辟

爲判官夏竦韓琦范仲淹爲經畧復辟之任福敗韓

琦降知秦州復辟通判州事上書極言時事仁宗嘉

漢討叛羌逗撓不時進昇命他將郭昱代之羌乃潰
去渙黜其功譴訟恩多殺老稚以城昇朝廷命張方
平守秦徙渙涇原亦徙昇青州將罪昇方平辭曰渙
昇有階級今互言而兩罷帥不可爲也昇乃復留餘
各詳本傳

馮行已字蕭之以父拯任歷知數州所至有能稱進
秦鳳路馬步總管餘詳本傳

任福字裕之開封人以衛士積官知隴州元昊反擢
秦鳳路馬步副總管戰守有方歷知數鎮皆有功康

亮曰兵不出塞何名輕舉寇之不得至有備故也倘

罪之後之邊臣將不敢為先事之備矣

與方平同傳王拱辰舊志

亦入官師名宦考史傳云歷秦定二州則未知其果為秦與秦與舊志多謬不敢據也故列於官師而畧於名宦又舊志官師有余靖注其下云條教精明以治最聞考史傳無此語亦不言知秦州但曾監秦州稅耳亦謹從闕疑張昇字杲卿韓城人舉進士忠直敢言以

龍圖閣直學士知秦州初青唐蕃部蘭邈世居古渭

積與夏人有隙懼而獻其地攝帥范祥無遠慮亟城

之諸族畏其偏舉兵叛昇至請棄勿城詔戶部副使

傅求審視之以為不可棄與昇議殊先文副總管劉

之遇不解鞍簡兵五百逆戰衆寡不侔勢小卻夏人
張兩翼來守約挺身立陣前自節金鼓發彊弩殪其
酋敵遂退後積功至秦鳳鈐轄又至秦鳳副總管王
文郁麟州新秦人韓琦薦其材積功至秦州防禦使
周永清字肅之靈州人龐籍言其忠勇積功爲秦鳳
鈐轄俱詳本傳

羅拯字道濟祥符人由進士歷官皆有便民之政後

知秦州卒

舊州志言拯築秦州東西二城

馬仲甫字子山廬江人

以進士歷官政多便民後知秦州古渭界青唐之

定二年與夏人戰死詳本傳郭遵者亦開封人爲秦州三陽砦主後從劉平與夏人戰深入多殺所向皆靡敵攢射之馬蹶被殺

滕宗諒字子京河南人與范仲淹同年舉進士其後

仲淹稱其才乃以秦州軍事推官召試學士院餘詳

本傳

舊志知秦州有滕元發考本傳神宗置不遣則未嘗至秦州也

張守約字希參蒲州人歐陽修薦其智積功至秦鳳都監居職六年括生羌隱土千頃以募射手築碛石

堡甘谷城第功最多夏人萬騎來寇守約適巡邊與

觀察使卒詳本傳

景泰字周卿晉州人進士起家歷官邊州累上書言
元昊事有薦其知兵者使知寧州破敵有功後爲秦
鳳路總管郭思忠方皆開封人思爲秦鳳路兵馬都
監有戰功復爲秦隴路鈐轄方戰功在南方移還慶
復有功亦徙秦鳳鈐轄盧鑑字正臣金陵人累舉進
士不第爲鄜延路走馬承受累破賊徙秦隴等州提
點盜賊公事料敵輒中朝廷倚之後知秦州卒俱詳
本傳

夏人在其北中通一徑小警則路絕仲甫得篳栗城
故址自鷄川砦築堡北抵南谷環數百里爲內地詔
賜名甘谷堡故時羌人入城貿易皆僦邸仲甫設館
處之陽示禮厚實閑之也張詵字樞言建州浦城人
亦由進士爲政多便民知秦州前此將吏貪功多從
羌地獵射因起邊患詵至申令毋得犯得一人斬諸
境上群羌感悅餘各詳本傳

折克行字遵道雲中人初知西州歷與夏人戰每出
必勝善撫士卒功最多羌人呼爲折家父後官秦州

表約決勝負達引弓連三中的酋下馬拜復從達取
盈而歸後管麟府軍馬復徙秦鳳去之十日而代者
郭思敗朝廷以達爲能連擢都指揮總管劉昌祿字
子京真定人爲右班殿直主秦州威遠砦青塘聚兵
鹽井經年不散昌祿奉帥命往詰之諸酋曰聞漢家
欲取吾井鹽昌祿曰國家富有四海何至與汝爭此
邪與酋俱來犒賚之歡然帥衆去盧政太原文水人
亦先以戰功歷秦鳳高陽關都鈐轄燕達劉舜卿皆
開封人達以戰功爲秦鳳副總管討破河州羌遂降

蕭注字巖夫臨江新喻人有大志喜言兵舉進士立

功邕廣間中貶秦州團練副使餘詳本傳

首志仁宗時徽縣名

宦二一王令圖太原人至和中以殿中丞為河池令時值開河會議河去縣四十餘里部屬陝西移文令圖通幹其事自秋七月至八月路已通功告訖下詔旌之一李周字純之馮翊人嘉祐五年知河池公正嚴毅沉晦自匿未嘗私謁執政皆於史無考未詳所出附注於此

劉几字伯壽河南洛陽人生而豪雋長折節讀書治

民有效用兵有功莫宗時為秦鳳總管詳本傳

賈逵真定藁城人以戰功歷秦鳳路鈐轄秦山多巨

木與夏人錯壤逵引輕兵往來伐羌酋馳至畫地立

有犯者斬以徇莫敢奸令居數日夢英宗詔語眷如平生欲退復留覺爲家人言感念獻欬及靈駕發引之旦東望號慟見僚佐於便室驟得疾卒

李參字清臣鄆州須城人以蔭歷官有才能治平中知秦州蕃酋藥家族作亂討平之得良田五百頃以募弓箭手居鎮閱歲未嘗以邊事聞英宗遣使問故對曰將在邊期於無事而已不敢妄以寇貽主憂餘詳本傳

李師中字誠之楚邱人年十五上封事言時政舉進

五原秦州志 卷之九
三
本征舜卿亦以戰功爲秦鳳鈴轄襲擊西市城先登
有功餘各詳本傳

蔡抗字子直宋城人中進士稍遷睦親宅講書英宗
在藩邸極重之義兼師友再遷博士通判秦州乞知
蘇州遷廣東轉運使皆有惠政英宗立召入大臣畏
其諫列復出知定州仍有政績神宗立改樞密直學
士知秦州過闕帝見之悲慟不自勝曰先帝疾漸猶
不忘卿遂赴鎮秦有質院質諸羌百餘人自少至老
肩繫之非死不出抗皆縱釋約毋得擅相仇殺已而

族則西蕃族必乞修城砦因其所欲量發兵築城堡以示斷絕夏人鈔略之患部人必歸心唐於西域每得地則建爲州其後皆陷失以清水爲界大抵根本之計未實腹心之患未除而勤遠畧貪土地者未有不如此者詔師中罷帥事詔又請置市易募人耕緣邊曠土師中奏阻其謀餘詳本傳

游師雄字景叔京兆武功人學於張載第進士判德順軍辟延安帥府幕官策敵輒效復以主謀破洮州擒鬼章遷提點秦鳳路刑獄後進直龍圖閣知秦州

士歷官皆有異績熙寧初西人入寇以師中知秦州
詔賜以班超傳師中亦以持重總大體自處前此多
屯重兵於境寇至則戰嬰其銳鋒而內無以遏其入
師中簡善守者列塞上而使善戰者中居令諸城曰
卽寇至堅壁固守須其去出戰士尾襲之約束旣熟
常以取勝王韶築渭涇上下兩城屯兵以脅武勝軍
撫納洮河諸部下師中議遂言今修築必廣發兵大
張聲勢及令蕃部納土招弓箭手恐西蕃及洮河武
勝軍部族生疑今不若先招撫肯唐武勝及洮河諸

斗升亦受不使有所壅闕民喜爭運粟於倉負錢而去得百餘萬斛馬涓以進士舉首入幕府自稱狀元大忠謂曰狀元云者及第未除官之稱也旣爲判官則不可今科舉之習旣無用修身爲己之學不可不勉又教以臨政治民之要謝良佐教授州學大忠每過之聽講論語必正襟斂容曰聖人言行在焉吾不敢不肅嘗獻言夏人戍守之外戰士不過十萬吾三路之衆足以當之矣彼屢犯王畧一不與校臣竊羞之紹聖二年加寶文閣直學士知渭州付以秦渭之

餘詳本傳

呂大防字微仲藍田人進士及第爲外官有政績遷御史累陳正議熙寧末除龍圖閣待制知秦州後尤多名績兄大忠字進伯登第歷官內外皆有嘉謨元祐初以龍圖閣知秦州夏人自犯麟府環慶後遂絕歲賜欲遣使謝罪神宗將許之大忠言夏人疆則縱困則服今陽爲恭順實懼討伐宜且命邊臣詰其所以來之辭若惟請是從彼將有以窺我矣時郡糴民粟豪家因之制操縱之柄大忠選僚家自旦入倉維

取熙河策永折之曰邊陲方安靜無故騷動恐變生
不測會新築劉家堡失利衆請戮偏裨以塞責永曰
居敵必爭之地單孤援絕兵法所謂不得而守者也
尤人以自免於我安乎許將字冲元福州閩人舉進
士第歷官有名會以龍圖閣待制知秦州餘各詳本
傳

張舜民字芸叟邠州人中進士第爲邑令王安石倡
新法便上書斥言其害歷官御史復以言事出提點
秦鳳刑獄劉庠字希道彭城人中進士第歷官言事

事奏言關陝民力未裕士氣沮喪非假之歲月未易
枝梧因請以職事對大抵欲以計徐取橫山自汝遮
殘井邇邇進築不求近功弟大鈞字叔和學於張載
能自信力行中乙科調秦州右司理叅軍後亦著名
績謝良佐字顯道壽春上蔡人與游酢呂大臨楊時
在程門號四先生登進士第曾教授秦州餘各詳本
傳

孫永字曼叔長社人擢進士爲御史累陳直言熙寧
中知龍圖閣直學士知秦州王韶以布衣入漢府建

王韶字子純江州德安人第進士試制科不中客游
陝西訪采邊事熙寧元年詣闕上平戎策三篇神宗
異其言召問方略以韶管幹秦鳳經畧司機宜文字
遂降下數蕃部後知涇原遂復熙河苗授字授之潞
州人少從胡翼之學補國子生以蔭至供備庫副使
王韶取鎮洮授爲先鋒破香子城復爲虜所圍再戰
再破之後神宗見而勞之以爲秦鳳副總管子履當
授時亦歷秦州路鈐轄王君萬卽秦州寧遠人以殿
侍爲秦鳳指揮使王韶開邊青唐大酋俞龍琦歸國

皆有聲跡尤不肯屈事安石元豐末曾知秦州餘各
詳本傳

郭逵字仲通其先自邢徙洛神宗即位積功加檢校

太尉雄武軍留後韓絳主种諤計圖橫山與逵議出

兵逵曰諤狂生爾朝廷徒以家世用之必誤大事絳

怒以為沮撓奏召逵還明年慶州亂出判永興徙秦

州王韶開熙河逵案其不法朝廷遣蔡確鞠之反謂

逵誣罔餘詳本傳

仁宗時李昭亮有功名然官稱秦鳳而事又無特繫秦州者故不列

神宗時高

知秦州餘詳本傳

姚麟字君瑞五原人積功爲秦鳳副總管兄子雄字毅夫勇鷲有謀歷涇原秦鳳將後以大破夏人功擢秦州刺史餘俱詳本傳

葉康直字景溫建州人擢進士第作令有惠政歷秦鳳轉運判官元祐初加直龍圖閣知秦州中書舍人曾肇蘇軾劾康直諂事李憲免官寃實無狀改知河中府復爲秦州夏人侵甘谷康直戒諸將設伏以待殲其二酋自是不敢犯境張綸字公信潁州汝寧人

獨別羌新羅結不從經畧使韓縝期諸將一月取之
君萬詐爲獵者逐禽至其居稍相親狎與同獵乘間
擿之墜馬斬首馳歸以獻餘各詳本傳

范恪字許國開封人驍勇善射數有戰功曾權秦鳳
路兵馬總管安俊字智周太原人積功爲原涇等州
刺史秦州築古渭城蕃部大擾徙秦鳳路總管向寶
鎮戎軍人勇力善射神宗以比薛仁貴曾官秦鳳鈐
轄餘各詳本傳

鄭堦字彥能徐州彭城人舉進士歷官有政績後徙

象先登世科又中詞學並茂舉有司啟封是爲黨人
子不奏名調秦州戶曹掾聞父謫棄官歸養終身不
復仕餘各詳本傳

陶節夫字子禮饒州鄱陽人第進士歷官有功曾知
秦州毛漸字正仲衢州江山人亦第進士歷官有功
曾攝秦州餘俱詳本傳

何臬字文鑣仙舟人政和五年進士第一爲御史中
丞極論王黼奸邪黼罷臬亦以徽猷閣待制知秦州
後從二帝於北庭不食死張叔夜字稽仲開封人喜

舉進士不中以三班奉職歷官皆有惠政曾知秦州
俱詳本傳

呂本中字居仁壽州人元祐宰相公著曾孫待問之

子元符中曾為秦州士曹掾南渡後益著名蹟學者

稱東萊先生詳本傳

陳瓘字室中南劍州沙縣人中甲科徽宗即位為右

正言極論蔡卞章惇曾布等罪出知秦州任象先者

眉州眉山人父伯雨徽宗初以為右正言極論章惇

蔡卞又乙慕蔡京之惡召還陳瓘用黨籍編管南方

亦善經畫曾主管秦蜀茶馬公事革黎州買馬之弊
歲以仲秋爲市市四月止以羨茶入熙秦易戰騎得
良馬益多後秦鳳出師經費有餘

詳見食貨篇

餘各詳本

傳

劉翰字仲偃建州崇安人第進士調隴城令後金人

破汴欲用之自縊死謚忠顯

舊志有劉宥傳言宥宋末知天水縣致仕而金

騎犯縣掠宥行橐視其誥命曰隨我去官北朝宥罵曰我爲南朝鬼不爲蕃賊官遂遇害於史無考附注
於此翰長子子羽字彥修免翰喪起知池州以書抵宰相論天下兵勢當以秦隴爲根本改集英殿修撰知

言兵築邊城有功曾知秦州後數平劇盜金人圍汴以總管入援復敗金人已從帝北行過白溝發憤卒餘各詳本傳

种師中字端孺世衡孫師道弟也歷秦州侍衛馬步軍副都指揮使金人內侵詔提秦鳳兵入援未至而敵退後為樞密使強驅之與金人戰死詳本傳

師道功名

尤盛亦嘗提舉秦鳳弓箭手而辭不敢拜故不得傳

宇文昌齡字伯修成都雙流人進士甲科善經畫曾

提舉秦鳳常平程之邵字懿賢眉州眉山人以蔭仕

命大喜悉以其衆來會明年浚移治閬州子羽請獨
留河池調護諸將以通內外聲援浚許之明年子羽
以吳玠戍河池浚以子羽知興元府全蜀之功子羽
爲多餘俱詳本傳

張浚字德遠漢州綿竹人建炎三年謂中與當自關
陝始請身任陝蜀事詔以爲川陝宣撫處置使開幕
府於秦州富平既敗命關師古等聚兵於岷州大潭
孫渥等聚兵於階成鳳州以固蜀口餘詳本傳

省志名宦

有趙忠簡鼎謂其曾爲
系當尉而史傳無之

秦州未行召赴行在張浚宣撫川陝辟子羽參議軍
事至秦州立幕府節度五路諸將規以五年而後出
師浚不聽遂敗於富平金人乘勝而前宣撫司退保
興州人情大震官屬有建策徙治夔州者子羽叱之
曰孺子可斬也四川全勝敵欲入寇久矣直以川口
有鐵山棧道之險未敢遽窺耳今當留駐興州急遣
官屬出關呼召諸將收集散亡分布險隘奈何乃爲
此言乎浚然子羽言而諸參伍無敢行者子羽卽自
出奉命北出復以單騎至秦州召諸亡將諸亡將聞

而自引兵入漢中玠自河池赴援復累敗之四年二月敵復大攻仙人關先是玠命璘葉和尚原經營仙人關右殺金平剗築一壘移原兵守之至是兀朮撒離喝及劉夔率十萬騎入侵自鐵山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠合敵首攻玠營玠擊走之又以雲梯攻壘壁楊政以撞竿碎其梯以長予刺之璘拔刀畫地謂諸將曰死則死此退者斬戰久璘軍少憊急屯第二隘金生兵踵至人被重鎧鐵

曲端字正甫鎮戎人警敏善屬文長於兵畧歷秦鳳
路隊將屢敗夏人旋知鎮戎軍建炎二年金游騎入
境端遣副將吳玠據清溪嶺與戰大破之端乘其退
遂下兵秦州餘詳本傳

吳玠字晉卿德順軍隴干人以良家子從軍擊夏人
討方臘皆有功建炎三年金人畧秦雍統制曲端遣
玠擊敗之四年張浚以玠爲秦鳳副總管富平之敗
玠及弟璘東保和尚原金人累來累敗之紹興三年
玠在河池金撒離喝用叛將李彥琪駐秦州以綏玠

陝西地樓炤使陝以便宜欲盡移川口諸軍於陝西
璘曰金人反覆難信今我移軍陝右敵若自南山直
擣蜀口我不戰自屈矣當且依山爲屯控其要害漸
圖進據炤從之旣而胡世將以四川制置權宣撫司
事至河池璘復極言之時朝廷恃和忘戰欲廢仙人
關世將乃抗奏謂仙人關未宜遽廢於是璘僅以牙
校三隊赴秦州戒諸將毋得撒備世將尋真除宣撫
置司河池十年金人敗盟詔璘節制陝西諸路軍馬
撒離喝渡河入長安趨鳳翔陝右諸軍隔在敵後時

鈎相連魚貫而上璘以駐隊矢迭射矢下如雨死者
層積敵踐而登撒離渴駐馬四視曰吾得之矣翌日
命攻西北樓姚仲登樓酣戰玠急遣統領田晟以長
刀大斧左右擊之明日大出兵統領王喜王武率銳
士分紫白旗入金營金陣亂奮擊金人始宵遁玠遣
統制官張彥劼橫山砦王俊伏河池扼歸路又敗之
四月復鳳秦隴三州璘字唐卿與玠共扼敵仙人關
時已積功至榮州防禦使知秦州節制階文矣紹興

九年除秦鳳路經略安撫使知秦州介卒時金人歸

如之凡陣以拒馬爲限鐵鈎相連俟其傷則更代之
遇更代則以鼓爲節騎兩翼以蔽於前陣成而騎退
謂之疊陣得車戰餘意無出於此敵雖銳不能當也
及與二酋遇遂用之二酋老於兵據險自固前臨峻
嶺後控臘家城謂我必不敢輕犯先一日璘會諸將
問所以攻姚仲曰戰於山上則勝璘以爲然乃夜半
遣仲及王彥銜枚載坡約二將上嶺而後發火二將
至嶺寂無人聲軍已畢列萬炬齊發敵駭愕曰吾事
敗矣胡盍出鏖戰璘以疊陣法更迭戰輕裘駐馬

諸將惟璘隨世將在河池世將急召諸將議惟涇原帥田晟與楊政同至叅謀官孫渥謂河池不可守欲退保仙人原璘厲聲折之曰懦語沮軍可斬也璘請以百口保破敵乃與田晟共迎敵屢破之十一年與金統軍胡盞戰剡家灣敗之復秦州及陝右諸郡初胡盞與習不祝合軍五萬屯劉家園璘請討之世將問策安出璘曰有新立疊陣法每戰以長槍居前坐不得起次最強弓次強弩跪膝以俟次神臂弓約賊相搏至百步內則神臂先發七十步強弓併發次陣

統制梅彥麾衆直據城門殊死戰挺率背嵬騎繞出
敵後憑高突之敵遂驚敗挺不自爲攻狀彥第一士
頗多之餘俱詳本傳

郭浩字充道德順軍隴干人歷有戰功建炎三年爲
涇原兵馬鈐轄張浚宣撫陝西以爲秦鳳路提點刑
獄權經畧使知秦州富平之役浩與吳玠先諫之而
浚不聽紹興十一年金人內侵宣撫使胡世將召浩
及吳玠楊政會仙人原授以攻取之策浩遣裨將設
伏破之楊政字直夫原州臨涇人建炎間從吳玠擊

亟麾之士殊死鬪金人大敗降者萬人胡蓋走保臘
家城璘圍而攻之城垂破朝廷以驛書詔璘班師三
十一年拜四川宣撫使金主亮叛盟璘卽肩輿上殺
金坪分遣諸將已而病還興州復力疾上仙人關敵
不能入三十二年攻復德順軍尋還河池孝宗隆興
二年冬敵侵岷州璘提兵至岐山金人退璘子挺以
門功積官至統制紹興三十一年王師旣復秦州金
將合喜孛堇介叛將張中彥以兵來爭挺破其治平
砦已而南市城賊亦犄角爲援轉戰竟日挺令前軍

傳

胡世將字承公常州晉陵人第進士歷官有功紹興

九年宣撫川陝居河池時關陝初復朝廷分軍移屯

熙秦鄜延諸道明年夏金人入長安蜀兵既分聲援

幾絕乃遣大將吳璘田晟出鳳翔郭浩出秦天楊政

由赤谷歸河池不數日璘捷於石壁及扶風金人恣

巡不敢度隴分屯之軍得全師而還餘詳本傳省志有載

縣名宦二一陳佃簡州人紹興二十二年自朝奉大

夫知河池不為煩苛常盛暑遣囚歸各感恩如期而

至一董彥威紹興中河池剽愷悌愛民一日盜至邑

金人九戰九捷紹興四年撒離喝裒精兵十萬欲道
仙人關入蜀至上蒼田玠築壘於關外政曰此地爲
蜀阨塞當堅守時出奇擊之玠用其言連日百餘戰
敵帥督戰益急政命卒以神臂弓射之又選甲士千
餘出山谷斷其兵使不得進退又出敵不意夜斫其
營敵遂遁去追至河池而還五年金人攻淮玠命政
帥師乘機牽制至秦州一戰而拔撫定居民秋毫無
犯王彥字子才上黨人起河朔歷敗金人平諸劇賊

有力紹興元年冬擒劉象將郭振復秦州餘各詳本

犯白環堡威部將石宣董炤連御之十三年夏人來約夾攻金宣撫安丙許之遣諸將分道前進威當向秦州議初起威謂金人尚強夏人反覆未可輕動丙不聽威龜勉而行令所部毋得輕發諸將至城下無功而還餘詳本傳

高稼字南叔邛州蒲江人嘉定七年進士歷官於蜀有功元兵來制置使趙彥呐以參議官辟之制置司近漢中稼言漢中蕩無藩籬宜經理仙人原以爲緩急視師之地彥呐以委稼稼至原繕營壘峙芻糧比

劉宣為秦鳳路兵馬都監金人入關陝宣遣蠟書密與吳玠相結且率金將任拱等以所部歸朝約日已

定有告之者金人取宣縷擘之王琦為弓門砦巡檢

建炎四年金人還自熙河琦禦之金人亦招降旗榜

改年號阜昌衆皆拜琦獨不屈金人執而殺之

紹興間牛

皓死事此地最烈而非此地將官故不列

張威字德遠成州人開禧用兵威與金人戰輒捷補

將領天水縣當金人西入路乃升縣為軍命威為守

屢立奇功嘉定十二年金人分道入蜀已秋也壘又

直隸秦州新志卷之九下

金

烏延胡里改曷懶路星顯水人也嘗徇地熙秦敗敵兵二千於秦州皇統八年授熙秦路兵馬副總管張

奕字彥徽其先澤州高平人歷官有功皇統間為秦

州防禦使餘各詳金史本傳

僕散忠義功名最盛顧熙秦總管不專此州而

事亦無特係此州者

故畧之龐迪亦然

夾谷守中咸平人大定二十二年進士大安二年為

秦州防禦使遷通遠軍節度夏人來攻死之女奚烈

器甲開泉源守禦之規罔不備具後死節具詳本傳

曹友聞

入人物

直隸秦州新志卷之九中終

秉鉉逆擊破之宋步兵保西山騎兵走赤谷璘等遣
部將唐括按荅海率騎二百馳擊宋步兵宋步兵大
潰追奔至皂郊城斬二千餘級猛安把添奴追宋騎
兵殺千餘人斬楊雄李珪於陣金史無璘傳茲從承
裕傳錄之承裕非熙
秦官故不列又張中彥有功此州事已載兵戎篇而
中彥降宋復歸故不列木虎高琪有功名而晚節不
終亦不列

元

按竺邇雍古氏其先居雲中塞上幼鞠於外祖東夏
甲家訛言爲趙家因姓趙氏太祖時以功爲千戶從

資祿咸平府人貞祐初為秦州防禦使興定五年以

隴安軍節度死鄜州之難兀顏訛出虎隆安府猛安

人大定八年進士歷官秦州防禦使後為汾陽軍節

度死於難餘各詳本傳

伯德梅和尚入人物

完顏璘章宗太和中為秦州防禦使與陝西都統完

顏承裕屯成紀界宋吳曦兵五萬由保畝姑蘇等谷

襲秦州承裕璘以騎兵千餘人擊走之追奔四十里

凡六戰斬首四千餘級宋吳曦使其將馮興楊雄李

圭以步騎八千人赤谷承裕璘及河州防禦使蒲察

文大德中補州管軍參謀元自善馬身步
廣恩信勸民農桑建倉備荒軍民懷德

明

廖森遺其籍兩當舊治元末圯燬洪武四年設縣尚
無官署七年森來爲主簿始於舊基別加創建又同
訓導蔣慶於其東創建儒學治教有所縣治始立焉
暢宣蜀人宣德初知秦安縣政令一出人莫不稱善
詳於牧民畧於自奉恪於臨事簡於奉上蓋惠人也
鄧榮廣元人正統間以貢士選知秦安縣民所利興
之所不利則祛之賦以時集民不告勞丁健字仲和

攻鞏昌駐兵秦州太宗即位以為元帥歷平西和平
 涼慶陽等州邵睿宗入山南按竺邇為前鋒復由兩
 當出魚關遂從滅金已元兵伐蜀宗王穆直等出陰
 平按竺邇復為先鋒攻文州下之遂命守之子國寶

國安襲職世守皆有功名詳元史傳

按竺邇傳文州事最多顧秦州

舊志以禮店文州為一皆今禮縣而省志以禮店為
 禮縣文州為文縣考宋史文州城外有江今禮縣無
 之而此傳又單言文州則省志是也故畧其事又宋
 知秦州者名宦最多元朝百年乃無一人豈非以降
 為屬州故罕著各耶徽州尤係下州而省志載其名
 宦二人皆官管軍元帥恐是江南徽州路官誤載此
 州耶不敢臆決謹注於後田守璋大德二年徽州管
 軍元帥副使以驍勇見稱洞悉民艱軍民衣履張中

者澤才志官師便稱官蹟其善者每入丁自畧計政績集官師時多未遑刪薤荆琨於官師中已畧具數語而省志中傳稍詳故重錄之鄧鏜王忠顯放此

秦絃字世纓單縣人景泰二年進士授御史數進直言權貴忌之借考察外謫憲宗初歷知秦州母喪去官州乞借絃服闋還故任後官至總制陝西三邊卒謚襄毅餘具明史本傳

傅鼎字天和畿內新河人成化間進士拜監察御史左遷同官知縣有治績遷秦州知州嚴以肅政平以近民除濬祀戒游食重農申教祛災弭盜諸凡學校

掖縣人景泰間亦以國子生知秦安務以寬治民而取與不慝刑罰不僭兩人者後皆以憂歸民攀送塞途也

李昶安邑人薛文清瑄門人也由舉人官清水教諭學使者歎其賢薦以代已命未下而卒荆琨猗氏人嘉靖間清水縣訓導凡五載教士禔躬如出一日雖雨雪晏晦未嘗不整襟危坐捐所得俸補葺廟學治俎豆爵壘始昌明道之學群諸士於官舍講習之清士始彬彬可觀天旱琨出米數十石賙貧士之不給

生先後知秦安鵬廉而厲政尚剛嚴有犯卽坐以法
不少貸修築西城刻期成其城獨厚而堅卧病篤
或私議曰李父母囊無長物卽不諱其何以歸聞之
鵬鵬強起厲聲曰爲我繫其人於獄是以私汗我邪
明日遂卒珍亦廉吏也事母孝凡宴會見有珍殺卽
歸奉母母饗矣而後乃就席母怒欲杖珍珍俯伏受
杖一日坐於堂有風繞堂下不去珍謂曰有事白我
卽我前風前就席珍首肯之至夜方寤如有人坐於
前聲窅者及覺猶疑見其人於是適境內體之果得

舍館壇壝橋梁以次修葺而州治改作宏麗甲於他郡上疏言救荒弭亂甘事如議行於秦秦人便之毛秦南陽人成化間進士任監察御史謫守秦州秦雖衝劇秦守之有餘力錢穀訟獄咸就條理

劉濟字洪仁邠縣人成化中以舉人選知徽州愷悌平易有古循良風性至孝親沒曾廬墓孟鵬年字子化河南洛陽人嘉靖中以舉人選知徽州政尚簡嚴曾創修州志

李鵬安陽人宋珍字廷瑤深州人成化間皆以國子

無第者終賈構累嚴立之程約士子皆自宿憲所今日謂法壇
之聲日夜不絕非皆喪不令少暇已而八人舉於鄉
二人登進士人以是多彌高

董縈內江人成化間以鄉舉授禮縣教諭學問有餘
而訓勉無倦士子咸服曰可以爲師矣

李賓鹽山人楊戩山西忻州人宏治間皆以舉人先
後知秦州賓忠直剛果遷臨洮同知戩一於威嚴肅
然稱理民咸曰得楊公一剖百事了矣遷江南淮安
同知

孫徽字廷美襄陽人宏治中登進士仕至刑部郎中

殺入者寘於理學校堂齋多所修建田賦出納必加甄別任五載曾不受人之囑人或有所贈畧不省視後卒官邑人哭之感盡哀

李杲瀘州人成化間以國子生授秦安教諭杲剛正人也校課無間寒暑諸生不問少長無不宿齋舍者亦無不服其約束者齋前有老槐陰蔽戶牖或言有神不可伐杲竟伐之皆服其不惑云其後則有胡彌高彌高字德邵資州人宏治中教諭秦安見士子久

無宿舍者變賣葺果叢上之屋向士子者齋舍誦讀

徐森字茂之成都人宏治中以舉人授秦安知縣性
和易出賦獄訟從容理之閒時考校諸士胡中丞纘
宗時方爲諸生最受知焉李昉安邑人正德中亦以
舉人知秦安蒞政臨民一切以嚴繩之至公庭者輒
戰栗故不煩約束而事集而自守亦潔李應時字際
可榆次人嘉靖中亦以舉人知秦安慈祥之至人樂
就之於里甲非公事不輕取有事不煩勾攝多應期
至者聽訟每以和言解之而自息

秦安各宦傳稍多
嘉靖後無聞焉則

自胡中丞後無人
續修縣志故也

以註謾謫秦州同知至秦廢墜修舉及署州則田賦
平訟獄理州人咸願徽守郡乃遷陝西按察司僉事
以去

黃宰字君佐其先山東單人始祖成元平章也明初

策功拜秦州衛指揮僉事

官師有黃昊而無宰亦單人亦其祖以明初官指揮

而其祖又名璧不名成豈傳聞致誤與抑果二人與

宰弱冠嗣職宏治間掌屯

政行伍德之曰吾未見理屯廉平如黃侯者正德初

薦遷都指揮僉事備禦甘涼後復勅守岷州威震羌

夷遷古麟叅將岷人泣留立祠勒石以紀其績

徐寧逸其籍正德間以禮店所百戶征蜀賊於徽州
之四條嶺賊多寧被圍左右勸之遁寧怒曰是不武
也遂力戰死之

侯禮不詳何許人正德間知徽州值蜀寇陷城之後
捐俸倡修開廣基址包鐘樓山於其中城乃壯秘心
師直隸茂城人萬曆間知徽州政平訟理民無冤抑
捐俸修學宮城隍廟增築城垣功成而民不擾

王醇宿州人正德初徽州學正博學善教寒暑無間
每開講執經環聽者盈庭

李璋錫衣衛人宏治中進士正德七年自刑部郎遷陝西按察僉事分巡隴右先是巴盜入徽州民被其毒後復熾璋馳至州簡士民明烽堠嚴保伍指揮甫定寇已薄昭化璋列戍白水於要衝多設疑兵遣將築壘三常之上下馭百里寇至錯愕去璋復提兵蹙之遂奔蜀秦隴安堵徽人爲立生祠

唐臣四川營山人登進士正德初蒞秦州愛民如家人父子而政亦就緒李楷灌縣舉人嘉靖十三年知

秦州卷卷愛民民德之

載以憂歸泣送者屬路也藁持體悖大而滄事精詳
有父母之頌焉

鄧鏜燕山人嘉靖戊戌以鄉進士任清水知縣敬上
御下咸有條理改建新學而不居其名於時稱鄧清
水張兩當而兩當不及也王忠顯山西澤州人萬歷
十七年知清水甘淡薄注意民瘼興利除害嘗以息
訟諭民兩造庭質唯決是非而已

向承鳳禮店所副千戶也嘉靖甲午階州鐵甲山賊
肆劫承鳳與戰追至麒麟山賊曰我貽若金帛毋相

宋震籍氏人正德初以鄉舉任禮縣知縣居官能以清慎勤白勵稍暇則進士子教之士民皆感焉

紀常字守經直隸文安人登進士嘉靖中以僉事分巡隴右性寬而法嚴吏畏其威民懷其德設崇義書院教士子督兵誅叛回馬興政績彰爍後累官至布政使

黃仕隆鉅山人吳直資州人于藁長垣人嘉靖間皆以鄉舉先後知秦州仕隆歷官有能聲守秦三載政立民安直明燭奸宄民不敢作慝而持已尤廉未三

是人崇正本知禮縣流寇薄城身運矢石倡守禦民

感之為勒石建祠焉

禮縣名密亦稍多餘皆注則官帥中

范學淹萬泉人明末由孝廉備兵秦州耿介正直勵

清操愛民禮士賊入城賊衆令見主帥淹從容言曰

殺卽殺何以見為賊帥義之不忍加害幽於文廟之

啟聖祠絕粒者七日士民號泣慰之乃強食聚千人

荷藜鋤暴糧糗衛之歸時知秦州朱廷鄣代藩宗室

以鞏昌判官署州事有政聲城陷賊衆擁見賊帥叱

之跪廷鄣正色曰我天朝宗室也有拜賊之理乎頭

逼也永鳳叱曰何物賊敢以金帛餌我奮擊之射二賊死將復射弓忽弛軍曰可少却永鳳曰戰而却畏死邪復與力戰死之都御史黃臣表之擢其子元吉爲正千戶元吉忠勇有父風

張仁山西崞縣人嘉靖中由鄉舉知兩當縣立志清苦凡九載秋毫不取於民而且多惠政

蒲來舉太原人天啟末以舉人知禮縣剛方不避權貴而撫民以寬民稱蒲母彭應程靈寶人崇禎中知

禮縣勸課農桑寇至捍禦有方城賴以全王定國真

飭州縣通祀名宦

各集一
重八

王進寶字顯吾靖遠人順治初從總督孟喬芳討叛
回積功至西寧總兵康熙十三年吳三桂王輔臣之
叛既陷蘭州進寶統兵抵黃河夜以皮囊暗渡遂復
之連破賊復諸郡縣鞏昌秦州相繼投誠功上晉陝
西提督鎮秦州南扼川逆北復通渭靜寧平涼再進
奮威將軍餘詳省志名宦傳

宋琬字玉叔山東萊陽人順治中進士以詩名天下
天下言詩者首南施北宋謂琬與宣城施閏章也會

可斷膝不可屈賊帥欲生之大呼曰此來只求一死
正襟危坐神色自若遂見殺秦安知縣朱瑛亦宗
室也賊陷城繫之至伏羌脅令贖城瑛呼告伏羌
令曰堅守勿降吾忍辱至此欲君知吾死所耳隨罵

賊且連呼何不速殺我遂見害伏羌卒嚴守不得下

皇清

序前代以時之先後不分州縣從便也序一國朝以州縣前後尊制也

葉映榴江南華亭人康熙十八年提學陝西後遷湖

廣糧道寇變攻入署映榴升堂高坐厲聲大罵隨引

佩刀自剄贈工部侍郎謚忠節雍正二年准三院

登卦臺見舊伏羲廟圯廢捐貲重修視前加狀麗焉
鎮都武人能如此人尤難之

姜光允遼陽人由貢士任縣令有政績遷知秦州會
地震死傷枕籍流涕撫存甚得民和修城垣民舍工
累萬數月而竣民有安居隨建城東雲章閣以助文
教焉天旱跣足步禱雨立沛繼之者高必大湖廣人
亦由貢生知秦州政簡刑清時兵凶洊至人多流亡
土曠賦溢稱累者十九必大詳請核丈俾按畝輸賦
拋荒者請除其額乃益事招徠民多歸耕高公文田使吏吏以

分巡隴右駐秦州值地震琬極力撫綏凡以十二事
申請督撫時州城盡圯琬悉捐俸貲益以家財重爲
建築 朝廷錄其功賜蟒服比遷去百姓爲建生祠
刻石留像以祀之初琬在秦州重修杜甫草堂集蘭
州淳化閣及西安碑洞中晉人帖書杜秦州詩勒諸
石時稱二絕自巡道公署廢石刻散軼今榻本猶有
藏者

郭鎮都字清寰永昌衛人順治八年任秦州遊擊知

大體以禮自持治軍嚴整而齊之以寬頗得士心嘗

察院集議札進曰爲人臣子義無二心且本朝洪福方始逆事必無成慎無禍身家而辱名節時輔臣麾下蔡元者已決於叛卽從座上手挈札以出害之按札非秦州官然先判秦州而後復盡節於秦州故著之

吳自性字道宏岷縣人康熙甲戌知秦州政尚簡約四境不擾卒官不得歸葬秦州何有基宇樂田四川人雍正元年進士選知秦州安靜無爲民樂風清未周歲丁內艱蕭然從一騎去士民攀送阻擁竟日不得行郎圖滿洲人第進士乾隆十四年由部主事出

民供給之豐歉而派數分重輕今猶有怨之者此亦事勢之難免也大要固是善政不可沒耳

張肯穀桐城人康熙十三年署秦州輕徭薄賦士民賴之會王輔臣遙應吳三桂反據秦州秦守將望風降且誘肯穀肯穀屬耆老泣曰我封疆吏當死但不可以一死誤國事今欲往省會請兵若曹偽降圖存無害也卽携印夜奔逆徙追之弗及後事平民皆全活 朝廷知其事擢鳳翔太守王札平谷人康熙初以選貢判秦州尋陞知靜寧州事王輔臣之叛應吳三桂也挾平涼諸官至秦州而意猶狐疑召諸官於

召捕廳詰責曰白日恣竊盜橫極矣君職捕謂何復
召賊曹吏及胥役曰吾固知汝等縱賊以自封也頃
所以不言者度賊有刺事者在堂下恐聞風而先遁
也吾今止一言今夜不得賊捕廳無復望爲官汝等
無復望生如是而已是夜遂獲賊訊之果先有耳目
見笞主人而繫客民安意就寢乃被獲一時震悚轉
稱神君焉市井有無賴子二每新官至輒自請試刑
以爲戲銓召謂之曰聞君不畏刑試吾刑何如杖之
十具桁楊命胥役監之出其一人者泣語其妻曰杖

守秦州性尤清靜公退常閉關鮮招邀紳士嘗曰吾
秦爲一州主視野老與紳士一也絲毫不擾於民民
亦安之公門如水掾吏舍常虛無人設書院延師訓
士比試童子榜發而在書院者無一居前列其引嫌
畏人議如此

程銓歙縣人康熙中以例監歷知秦州初至官有客
民來懇白晝於旅舍亡其騾銓召逆旅主人薄答之
曰胡不慎門戶也復召客民怒之曰若自不謹視須
官爲汝守馬邪命繫之衆聞傳爲笑薄暮局官署密

鞭遲而慙厲無累京兵西征橫甚所過肆誅求暴虐
士女應韶豫戒民人持白挺以俟曰敢橫者痛擊之
毋恐身先馳至清水謁其主將探懷中金以獻曰以
是爲公壽願約士卒毋擾民主將喜下令敢譁者死
兵旣過西至伏羌遣幹僕齎書投主將言我廉吏何
從得金此官庫中物公敢持之往我且將轉聞於
朝主將愕眙及其金其愛民而有胆智事率類此民
爲立生祠焉馮念祖字文子浙江人雍正初知秦州
清潔愛民而有胆力時有前守之子羈秦州倚勢爲

之少殆欲殺我也不數日果置之死其一人者比日受五杖不堪痛辱思逃去銓亦陰屬役縱之逃至遠方洗心潔行後歸爲鄉里善人言及舊事感泣不已曰吾賴程公成人也

陳應韶襄平人康熙中以湖廣麻陽縣令卓異遷秦州到官旬日寂無所設施或以爲言應韶笑曰大州叢弊欲除之未得其要耳詰旦出尺紙條列十餘事皆積久陋規民安之而莫知者也性潔烈嫉貪如仇胥吏犯贓必寘重典而於民惟恐傷之方軍興累事

監獄夜派民夫直宿夢龍詫曰堂將焉往而以守爲
獄則獄卒職也胡重勞民皆去之重懲市井無賴咸
改行反有焚香以祀者每單騎獨出不具儀衛中衢
有所見或白事卽歸署訊之去署稍遠於人家門檐
下索坐卽訊之鄉民訟者計道里遠近與刻期至卽
審斷不立案牘胥吏咸束手無所事事甫逾歲而囹
圄空焉夢龍勤吏事持身尤廉其子隨之官常布衣
收糧火耗最輕民旣感其惠又利其輕也爭輸之州
故有陋規百工小伎悉有稅夢龍悉除之遂至今

奸利暴橫里閭念祖心弗善也前守子且怒率家奴
咆哮堂上扃鎖官署門欲以困念祖念祖笑弗爲動
陰請於上官遣之去上官嘗檄秦州應運某處糧幾
萬石念祖抗言民勞已甚不能運屢檄屢抗請終格
不行身故名士喜文詞守秦時年旣老矣會當試童
子亦於堂下另設案具紙筆自爲文以式之閱試卷
中夜忽嘔血且遂卒

高夢龍山陽人雍正中以鞏昌知府攝州事雖官郡
守而精於吏職勤民理政前後莫與儷故例公堂及

也方家居卽以厚幣延主書院教士近百人多所成
就前後書院之盛莫及也性耿介遇事不阿率以細
故與同城遊擊相訐致去官去之日酒漿之送過百
里士民涕淚交頤莫能仰視云

徐芬浙江山陰人家世儒素乾隆二十五年以歲貢
考授秦州吏目吏目卑官能持大體明經學州之人
士多從受業樂爲講肄不疲也秦故大州事繁知州
下僅判官吏目判官復移駐僅有吏目耳會知州公
出鄉民報事者至芬皆親往南人不習鞍馬山徑且

李鉉侯官人乾隆初由舉人歷知秦州政尚嚴肅州故多逋賦鉉督辦益急初吏民咸怨既踰年鄉民晏然免城市係縲之苦顧反德之曾捐俸修伏羲廟文廟玉泉觀雲章閣之屬又修養濟院房三十間乾隆六年歲大饑鉉請平糶自州及隣境全活無筭後罷官去人至今咸思鉉云

程材傳蒲圻人雍正元年進士乾隆八年知秦州鎮靜不擾民物安逸持躬廉子弟皆布衣聲譽翕然尤惜窮民咸稱慈母焉伏羌輩學士者材傳會試房師

泚涇涇交騰民伏地莫能仰視云

徐芬浙江山陰人家世儒素與其弟舉人芳皆授書
爲生芬文章好化治前輩迄不得舉乾隆二十五年
以歲貢考授秦州吏目吏目卑官慮無不喜事以脅
民財民亦以爲當芬獨持大體好簡靜舊胥役數十
皆革去之幸無事諸生多從受書樂爲講肄不疲也
秦故大州多事知州下僅判官吏目判官復移駐僅
有吏目耳會知州公出而鄉民報事者踵至皆須親
往南人不習鞍馬山徑且多偏仄不容騎方盛暑數

多逼仄不容騎處芬卽扶掖行罔辭勞瘁時方盛暑輒臥疾不起臨終惟以讀書訓子別無他言其卒也囊無一錢官民盡哀之

謝明詠全州人康熙中由舉人授秦安知縣勤於吏職事皆殫心盜賊必寘重法鼠竊屏跡嚴懲賭博或以無業告給之錢令織褐爲生窮鄉父老咸佐子婦治杼軸無博戲者城郭無賴具有名籍每朔望親講論諄復痛切聽者或泣下講畢取無賴子對衆薄笞之不計其有犯否也民或鬪市肆前責及肆主人後

之不計其有犯否也民或聞市肆前賣及肆主人後
有鬪者列肆遁驅遠之至郭外無人處輒相笑而罷
設義學誨士子間數日載酒餉徃勞之見士子會食
則大喜曰自吾入仕籍久不獲此樂矣一時風俗肅
清民物安逸後爲奸民誣於上官遂去職去之日邑
人哭罷市有二人者哭尤痛曰吾儕禽畜賴公成人
而公去我已乎卽向朔望受笞者也

牛運震滋陽人博學雄文初以選貢卒業太學名已
震京師雍正八年成進士乾隆三年冬授秦安知縣
公餘卽讀書中夜誦聲琅琅時起舞門卒駭傳之取

扶掖行數百里勞瘁極又適有所鬱性狷直不能自
寬卧病三日嘔血數升以卒其卒也家無一錢官民
盡哀之

謝明詠全州人康熙中由舉人授秦安知縣勤於吏
職事皆殫心盜賊必宜重法鼠竊屏跡嚴懲賭博或
以無業告給之錢令織褐爲生窮鄉父老咸佐子婦
治杼柚無博戲者城市無賴具有名籍每朔望親講
諭諱復痛切聽者或泣下講畢取無賴子對衆薄笞
之不計其有犯否也民或鬪市肆前責及肆主人後

不事雖不行民懷其惠云

杜蔭大興人以蔭官知縣乾隆十年調秦安廉而才
又周悉情僞一切以法從事無縱舍奸宄屏息尤敬
文廟之祀前夕品物必親陳蔣允焄貴筑人由翰林
知秦安縣平易近人煦煦若慈母窮鄉婦孺無不得
至前言事者訟者理屈當受扑多諭而釋之扑亦必
輕黠黠易犯法善良終懷惠焉

張仕渾蘄州人康熙末由進士任清水令存心簡靜
耻近名在官裁牛犂免夫役省催科革陋規故多善

士之雋者親授之業買官署旁民宅聚士其中而屬之署以便講習秦士不舉於鄉已二十年比甲子得舉者二人卽其弟子中翹楚也次年以考最遷平番縣士束書從之已而罷官主臯蘭書院士尤多從之旣去而前得舉者一人成進士續得舉者數人一人舉省元皆舊所指授也二十二年卒於家明年計至秦諸生聚哭爲之誄且爲作佛事焉運震讀書訓士而於民事亦不荒嘗巡歷隴水教民穿渠灌田如干畝立章程勒石通衢邑城垣久頽數請於上官欲修

隴右諸官匿旱災爲言官所發制府親行視至秦州
輒有按劾獨獎元裕曰是實心愛民者程鵬遠江南
通州人以蔭生先元裕知禮縣亦有仁聲曾出俸錢
修文廟

徐起霖江南通州人崇禎己卯副榜順治末選知徽
州下車察民疾苦力爲請免其文云荒郡苦累已極
殘黎流散可駭據實上陳祈甦重苦事其條一爲站
馬二爲水夫三爲造船四爲過兵馬五爲買運米豆
六爲公差橫索徽民至今感戴有德政碑康熙五十

政而淡然行之不張皇也設義學數處延師課士捐俸爲東脩士感焉前後二十七載爲最久嘗兼攝秦安皆鎮靜不擾云

國初畧有聞者集官師時依縣志標數語於下不重著

常大年字延齡直隸人順治初任禮縣知縣時軍餉方急大年軫恤民瘼籌運有方無所累孫雯鏡嘉善人康熙初知禮縣出俸錢修倉廩社學萬世緯富順人康熙二十三年由進士知禮縣重修文廟增建倉廩尋卓異陞去

朱元裕浙江人乾隆六年由歲貢知禮縣多善政時

凡殖貨財產貴其能施賑也否則守錢虜耳乃盡散
以班昆弟故舊身衣羊裘皮袴王莽時爲鎮戎尹莽
敗復避地西州從隗囂餘已見名宦傳

杜林字伯山扶風茂林人父鄴前涼州刺史林初爲
郡吏王莽末盜起林將細弱往客河西道逢賊幸免
隗囂素聞林志節深相敬待以爲持書平後因疾告
去辭還祿食囂復欲令彊起遂稱篤囂意雖相望且
欲優容之乃出令云云

載藝文

林雖拘於囂而終不屈

節建武六年弟咸物故囂乃聽林持喪東歸旣遣而

八年學院逢泰據州詳請准祀名宦祠

徽縣志 國朝名宦止此

殊寥寥豈直道之難枉抑紀載之荒畧耶兩當志

乃全一人止有公共葉忠節耳則尤可歎矣是二邑者豈無賢令耶

流寓

東漢

馬援茂陵人其祖賓先曾客天水授初為郡督郵因縱囚亡命北地遇赦因畱牧畜賓客多歸附者轉游隴漢間嘗謂賓客曰丈夫為志窮當益堅老當益壯困處田牧至有牛馬羊數千頭穀數萬斛既而歎曰

稱疾不起噐矜已自飾常以爲西伯復作乃與諸將
議自立爲王興聞而說噐曰春秋傳云口不道忠信
之言爲噐耳不聽五聲之和爲聾聞者諸將集會無
乃不道忠信之言大將軍之聽無乃阿而不察乎昔
文王承積德之緒加之以睿聖三分天下尚服事殷
武王卽位八百諸侯不謀同會武王以未知天命還
兵待時高祖征伐累年猶以沛公行師今令德雖明
世無宗周之祿威畧雖振未有高祖之功而欲舉未
可之事昭速禍患無乃不可乎噐竟不稱王後遂廣

悔追令刺客楊賢於隴坻遮殺之賢見林身推鹿車
載致弟喪乃歎曰當今之世誰能行義我雖小人何
忍殺義士因亡去林前於西州得漆書古文尚書一
卷常寶愛之後以傳東海衛宏濟南徐巡曰古文雖
不合時務然願諸生無悔所學於是古文遂行鄭興
字少贛河南開封人兼通公羊左氏春秋更始時拜
諫議大夫使安集關西及朔方涼益三州還拜涼州
刺史會天水有反者攻殺郡守興坐免時赤眉入關
東道不通興乃西歸隗囂虛心禮請而興耻爲之屈

將軍焉用之囂曰囂將不足留故邪興曰將軍據七
郡之地擁羌胡之衆以戴本朝德莫厚焉威莫重焉
興從俗者也不敢深居屏處因將軍求進不患不達
因將軍求入何患不親此興之計不逆將軍者也興
業爲父母請不可以已願留妻子獨歸葬將軍又何
猜焉囂曰幸甚促爲辦裝遂令興妻子俱東時建武
六年也侍御史杜林先與興同寓隴右乃薦之帝餘
各詳本傳

申屠剛字巨卿扶風茂陵人平帝時舉賢良方正王

置職位以自尊高與復止囂曰夫中郎將大中大夫
使持節官皆王者之器非人臣所當制也孔子曰惟
器與名不可以假人不可以假人者亦不可以假於
人也無益於實有損於名非尊上之意也囂病之而
止及囂遣子恂入侍將行與因恂求歸葬父母囂不
聽而徙與舍益其秩禮與入見囂曰前遭赤眉之亂
以將軍僚舊故敢歸身明德與聞事親之道生事之
以禮死葬之以禮祭之以禮今爲父母未葬請乞骸
骨若以增秩徙舍中更停留是以親爲餌無禮甚矣

剛到拜侍御史班彪字叔皮扶風安陵人年二十餘
更始敗三輔大亂時隗囂擁衆天水彪乃避難從之
囂問彪曰往者周亡戰國並爭天下分裂數世然後
定意者從橫之事復起於今乎將承運迭興在於一
人也對曰周之廢興與漢殊異昔周爵五等諸侯從
政本根旣微枝葉彊大故其末流有從橫之事漢承
秦制改立郡縣主有專已之威臣無百年之柄至於
成帝假借外家哀平短祚國嗣三絕故王氏擅朝因
竊號位危自上起傷不及下是以卽真之後天下莫

莽篡位剛避地河西轉入巴蜀往來二十許年及隗
囂據隴右欲背漢而附公孫述剛說之曰愚聞人所
歸者天所與人所畔者天所去也伏念本朝躬聖德
舉義兵龔行天罰所當必摧誠天之所福非人力也
將軍本無尺土孤立一隅宜推誠奉順與朝並力今
璽書數到委國歸信欲與將軍共同者凶布衣相與
不負然諾况於萬乘者哉今何畏何利久疑如是卒
有非常之變上負忠孝下愧當世囂不納遂畔從述
建武七年詔書徵剛剛將歸與囂書勸之囂仍不納

任延字長孫南陽宛人十二爲諸生學於長安顯名
太學值倉卒避兵之隴西時隗囂已據四郡遣使請
延延不應餘詳本傳

馬融字季長扶風茂陵人博通經籍永初二年大將
軍鄧騭聞融名召爲舍人非其好也遂不應命客於
涼州武都漢陽界中會羌虜颺起邊方擾亂米穀踊
貴自關以西道殫相望融旣饑困乃悔而歎息謂其
友人曰古人有言左手據天下之圖右手刳其喉愚
夫不爲所以然者生貴於天下也今以曲俗咫尺之

不引領而歎十餘年間中外搔擾遠近俱廢假號雲
合咸稱劉氏不謀同辭方今雄桀帶州域者皆無七
國世業之貴而百姓謳吟思仰漢德已可知矣囂曰
生言周漢之勢可也至於但見愚人習識劉氏姓號
之故而謂漢家復興踈矣昔秦失其鹿劉季逐而羈
之時人復知漢乎彪旣疾囂言又傷時方艱乃著王
命論以爲漢德承堯有靈命之符王者興祿非詐力
所致欲以感之而囂終不寤遂避地河西餘各詳本

傳

曲環陝州安邑人客隴右少喜兵法善騎射後積功
至檢校尚書左僕射詳本傳

宋

巢谷初名穀字元修眉州眉山山人父中谷傳其學雖
朴而博舉進士京師谷素多力見舉武藝者心好之
遂棄其舊學蓄弓箭習騎射久之業成而不中第聞
西邊多驍勇爲四方寇去遊秦鳳間所至友其秀傑
餘詳本傳

兩當縣志言文潞公彥博微時寓兩當設
教於郇氏家秦州舊志又有郭執中華亭
人累官樞密承旨建中靖國初應詔言事切直忤蔡
京籍爲元祐黨人斥居栗亭三十餘年因家焉皆於

蓋滅無貴之軀殆非老莊所謂也故往應隲召餘詳
本傳

翟醜字子超廣漢雒人善圖緯歷筭以罪當徙日南
亡於長安爲卜相工後牧羊涼州遇赦還餘具本傳
唐

杜甫字子美膳部郎審言孫至德乾元間以拾遺出
爲華州功曹屬關輔饑輒棄官去客秦州卜居東柯

谷已而去之暫寓成州同谷縣

新書但言客秦州舊書但言寓同谷縣合

之乃盡
實事
隨復夫之道兩當遂入蜀餘詳本傳

唐通未詳其籍微時遊於嘉陵江上遂寄居葬其祖
母後爲定西侯徽州牧徐起霖兩當縣尹蔣大震爲
立碑買置墓田

明流寓只據舊志他無所考然世近
或當不謬如朱新靖者今人猶能言

也之

直隸秦州新志卷之九下終

史無考附
注於此

明

李天成莊浪人天啟甲子舉人隱居秦州仙人崖安
貧樂道有箕穎之風

盛廣桐城人明末以舉人知徽州崇正十六年因寇
亂與兩當令徐文獻偕隱於兩當之黃岩洞

朱新靖汾州人宗室貢生明末成縣知縣流賊變棄
官避跡秦州麥積崖詩酒自適逍遙松泉間以終其

身

直隸秦州新志

卷之九

六

